



14
1544
138



14
1544
138

全五代詩卷八十一

羅江李調元雨村 編

閩

徐 賁

溫陵即事

早年師友教為文，賣却漁舟網典墳。國有安危期日諫，
家無擔石暫從軍。非才豈合攀丹桂，多病猶堪伴白雲。
爭得子鍾季孫粟，滄洲歸與故人分。

山中寓居

高臥東鄰最上方，水聲山翠別愁腸。白雲送雨籠僧閣，

1544
132



全五代詩卷八十一

羅江李調元雨村 編

閩

徐 夔 二

溫陵即事

早年師友教為文賣却漁舟網典墳國有安危期日諫
家無擔石暫從軍非才豈合攀丹桂多病猶堪伴白雲
爭得千鍾季孫粟滄洲歸與故人分

山中寓居

高卧東鄰最上方水聲山翠別愁腸白雲送雨籠僧閣

全五代詩

卷八十一

閩

一

全唐詩話 卷二十一
黃葉隨風入客堂終去四明成大道暫從雙鬢許秋霜
披緇學佛應無分鶴氅談空亦不妨

東歸題屋壁

塵埃歸去五湖東還是衡門一畝宮
舊業旋從征賦失故人多逐亂離空
因悲盡室如懸磬却擬攜家學轉蓬
見說高宗天上夢無情曾與傅巖通

郊村獨遊

歲閏堪憐歷候遲出門惟與野雲期
驚魚擲上綠荷菱棲鳥啄餘紅荔枝
末路可能長薄命修途應合有良時
市頭相者休相戲感慙先生半自知

東京次新安道中

賊去兵來歲月長野蒿空滿壞牆匡
旋從古轍成深谷幾見金輿過上陽
洛水送年催代謝高山擎日拂穹蒼
殊時異世為儒者不見文皇與武皇

西華

五千仞有餘神秀一一排雲上
沈瀟疊障出關分二陝殘岡過水作中條
巨靈廟破生春草毛女峰高入絳霄
拜祝金天乞陰德為民求主降神堯

將入城靈口道中作

路上長安惟咫尺灞陵西望接秦原
依稀日下分天關

全五代詩 卷之五
隱映雲邊是國門錦袖臂鷹河北客青桑鳴雉渭南村
高風九萬程途遠與報滄洲欲化鯤

長安述懷

黃河水合尚來遊知命知時肯躁求詞賦有名堪自負
春風落第不曾羞風塵色裏凋雙鬢鼙鼓聲中歷幾州
十載公卿早言屈何須課夏更冥搜

義通里寓居即事

家住寒梅翠嶺東長安時節詠途窮牡丹窠小春餘雨
楊柳絲疎夏足風愁鬢已還年紀白衰容寧藉酒杯紅
長卿甚有凌雲作誰與清吟送帝宮

寺中偶題

聽話金仙白相毫每來皆得解塵勞鶴棲雲路看方貴
僧倚松門見始高名利罷燒心內火雪霜偏垢鬢邊毛
銀蟾未出金烏在更上晴樓眺海濤

西寨寓居

二首

閒讀南華對酒杯醉攜筇竹畫蒼苔豪門有利人爭去
陋巷無權客不來解報可能醫病雀重燃誰肯煦寒灰
嚴陵萬古清風在好棹清溪詠釣臺

功智爭馳淡薄空猶懷忠信擬何從鷓鴣啄腐疑雛鳳
神鬼欺貧笑伯龍烈日不融雙鬢雪病身全仰一枝筇

全五言 卷六二
崇侯入輔嚴陵退堪憶啼猿萬仞峰

寄僧寓題

佛頂抄經憶惠休衆人皆謂我悠悠浮生真箇醉中夢
閒事莫添身外愁百歲付於花暗落四時隨却水奔流
安眠靜笑思何報日夜焚修祝郡侯

醉題邑宰南塘屋壁

萬古清淮碧繞環黃河濁浪不相關縣留東道三千客
宅鑠南塘一片山草色淨經秋雨綠燒痕寒入曉窓斑
閩王美錦求賢製未許陶公解印還

題泗州塔

十年前事已悠哉旋被鐘聲早暮催明月似師生又沒
白雲如客去還來煙籠瑞閣僧經靜風打虛窓佛幌開
惟有南邊山色在重重依舊上直回臺

遊靈隱天竺二寺

丹井冷泉虛易到兩山真界實難名石和雲霧蓮華氣
月過樓臺桂子清騰踏迴橋巡像設羅穿曲洞出龍城
更憐童子呼猿去颯颯蕭蕭下樹行

塔院小屋四壁皆是卿相題名因成四韻

鴈塔纔空映九衢每看華宇每踟躕題名盡是台衡迹
滿壁堪為宰輔圖鸞鳳豈巢荆棘樹虬龍多墊帝王都

誰知遠客思歸夢夜夜無船自過湖

題福州天王閣

絕境宜樓獨角仙金張到此亦忘還
三門裏面千層閣萬井中心一朵山
江拘碧灣盤洞府石排青壁護禪關
有時海上看明月展出冰輪疊浪間

春入鯉湖

到來峭壁白雲齊載酒春遊渡九溪
鐵嶂有樓霾欲墮石門無鎖路還迷
湖頭鯉去轟雷在樹杪猿呼落日低
回首浮生真幻夢何如斯地傍幽棲

放榜日

喧喧車馬欲朝天人探東堂榜已懸
萬里便隨金鷺鷥三台仍借玉連錢
南海相公此時在京蒙借鞍馬人僕花浮酒影彤霞爛
日照袍光瑞色鮮十二街前樓閣上捲簾誰不看神仙

長安即事三首

拋擲清溪舊釣鉤長安寒暑再環周
便隨鶯羽三春化只說蟬聲一度愁
掃雪自憐窓紙照上天寧愧海槎流
明時側待金門詔肯羨班超萬戶侯
無酒窮愁結自舒飲河求滿不求餘
身登霄漢平時第一家得干戈定後書
富貴敢期蘇季子清貧方見馬相如
明時用即匡君去不用何妨却釣魚

拖紫腰金不要論，便堪歸隱白雲村。
更無名籍強金榜，豈有花枝勝杏園。
綺席促時皆國器，羽觥飛處盡王孫。
高眠亦是前賢事，爭報春闈莫大恩。

憶潼關

洞壑雙扉入，到初似從深。穿觀高墟天，開白日臨軍國。
山夾黃河護，帝居隋煬遠。遊宜不反奉，春長策竟何如。
須知皇漢能，局鐫延得年。過四百餘。

憶潼關早行

行客起看仙掌月，落星斜照濁河泥。
故山遠處高飛雁，去馬鳴時先早雞。
關柳不知誰氏種，岳碑猶見聖君題。

芻蕘十軸僮三尺，豈謂青雲便有梯。

憶長安行

舊畧關中憶，廢興僭奢須戒儉。
憑火光只是燒秦冢，賊眼何曾視灞陵。
鐘鼓煎催人自急，侯王更換恨難勝。
不如坐釣清溪月，心共寒潭一片澄。

憶長安上省年

忽憶關中逐計車，歷坊騎馬信空虛。
三秋病起見新鴈，八月夜長思舊居。
宗伯帳前曾獻賦，相君門下再投書。
如今說着猶堪泣，兩宿都堂過歲除。

憶山中友

憶得當年接善鄰，苦將閒事強夫君。
鬪開碧沼分明月，各領青山占白雲。
近日藥方多繕寫，舊來詩草半燒焚。
金門幾欲言西上，惆悵關河正用軍。

憶薦福寺南院

憶昔長安落第春，佛宮南院獨遊頻。
燈前不動惟金像，壁上曾題盡古人。
鶻鴟聲中雙闌雨，牡丹花際六街塵。
啼猿溪上將歸去，合問昇平詣秉鈞。

憶舊山

澗竹岩雲有舊期，二年頻長鬢邊絲。
遊魚不愛金杯水，棲鳥敢求瓊樹枝。
陶景戀深松檜隱，留侯拋却帝王師。

龍爭虎攫皆閒事，數疊山光在夢思。

曲江宴日呈諸同年

鷓鴣驚與鳳凰同，忽向中興遇至公。
金榜連名昇碧落，紫花封勅出瓊宮。
天知惜日遲遲暮，春為催花旋旋好。
好是慈恩題了望，白雲飛盡塔連空。

獻內翰楊侍郎

窓開青瑣見瑤臺，冷拂星辰逼上台。
丹鳳詔成中使取，白龍香近聖君來。
欲言溫暑三緘口，閒賦宮詞八斗才。
莫擬吟雲避榮貴，廟堂玉鉉待鹽梅。

輦下贈屯田何負外

封章頻得帝咨嗟報國惟將直破邪身到西山書幾達
宮登南省鬢初華厨非寒食還無火菊待重陽擬泛茶
內翰好才兼好古秋來應數訪君家

贈垂光同年

丹桂攀來十七春如今始見茜袍新須知紅杏園中客
終作金鑾殿裏臣逸少家風惟筆札元成世業是陶鈞
他時黃閣朝元處莫忘同年射策人

尚書榮拜恩命寅疾中輒課小詩二首以申攀讚
明公家鑿鳳凰池弱冠封侯四海推富貴有期天授早
關河多難勅來遲昂星人傑當王佐黃石仙翁識帝師

昨日詔書猶漏缺未言商也最能詩

東郊迎入紫泥封此日天仙下九重三五月明臨闕澤
百千人衆看王恭旗傍綠樹遙分影馬踏浮雲不見蹤
借問乘輅何處客相庭雄幕卷芙蓉

賀清源太保王延彬二首

蕊珠宮裏神仙謫八載溫陵萬戶聞心地濶於雲夢澤
官資高却太行山姜牙兆寄熊羆內陶侃文成掌握間
應笑清溪舊門吏年年扶病掩柴關

武榮江畔祥雲陰寵拜天人慶郡人五色鶴綾花上敕
九霄龍尾道邊臣英雄達處誰言命富貴來時自逼身

更待春風飛吉語紫泥分付與陶鈞

府主僕射王博生日

光化三年己未八月獻

熊羆先兆慶垂休天地氤氳瑞氣浮李樹影籠周柱史
昂星光照漢鄼侯數鍾龜鶴千年算律正乾坤八月秋
勲業定應歸鼎鼐生靈豈獨化東甌

喜雨上主人尚書

天皇攘袂勅神龍雨我公田兆歲豐樂日淋漓侵暮角
數宵滂沛徹晨鐘細如春霧籠平野猛似秋風擊古松
門下十年耕稼者坐來偏憶翠微峰

上盧三拾遺以言見黜

骨鯁如君道尚存近來人事不須論疾厄必厭神明藥
心惑多嫌正直言冷眼靜看真好笑傾懷與說却為冤
因思周廟當時誡金口三緘示後昆

依韵贈嚴司直

曾轉雙蓬到玉京宣尼恩奏樂卿名歌殘白石扣牛角
賦換黃金愛馬卿滄海二隅身漸老太行千疊路難行
夫君才大官何小堪恨人間事不平

依韵酬常循州

早年花縣拜潘郎尋黍飛鳴出桂堂日走青天長似箭
人同紅樹幾經霜帆分南浦知難別駕在東川更可傷

公論一麾將塞詔且隨徵令過瀟湘

贈黃校書先輩璞間居

取得驪龍第四珠退依僧寺卜貧居青山入眼不干祿
白髮滿頭猶著書東澗野泉添碧沼南園夜雨長秋蔬
月明掃石吟詩坐諱却全無擔石儲

贈表弟黃校書較

昔居平溪今居近市入市五里

產破身窮為學儒我家諸表愛詩書嚴陵雖說臨溪隱
晏子還聞近市居佳句麗偷紅菡萏吟窓冷落白蟾蜍
聞來共話無生理今日悠悠事總虛

贈楊著作

藻麗焚煌冠士林白華榮養有曾參十年去里荆門改
八歲能詩相座吟李廣不侯身漸老子山操賦恨何深
釣魚臺上頻相訪共說長安淚滿襟

渤海賓貢高元因先輩閩中相訪云本國人寫得
黃斬蛇劍御溝水人生幾何賦皆以金書列為屏
障因而有贈

折桂何年下月中闌小來問我雕蟲肯銷金翠書屏上
誰把芻蕘過日東郊子昔時遭孔聖由余往日諷秦宮
嗟嗟六國金門士幾個人能振素風

贈月君

山妻字月君伏見文選中顧彥元亦有贈婦詞因抒此詠

出水蓮花比性靈三生塵夢一時醒神傳尊勝陀羅呪
佛授金剛般若經懿德好書添女誠素容堪畫上銀屏
鳴梭軋軋織纖手窓戶光流織女星

病中春日即事寄主人尚書二首

身比秋荷覺漸枯致君經國墮前圖層冰照日猶能暖
病骨逢春却未蘓鏡裏白鬚擗又長枝頭黃鳥靜還呼
庾樓恩化通神聖何計能教擲得盧
風拍衰肌久未蠲破窓頻見月團圓更無舊日陳人問
只有多情太守憐臘內送將三折股歲陰分與五銖錢
元穹若假年齡在願捧銅盤為國賢

溫陵殘臘書懷寄在尚書

濟川無楫擬何為三傑當遂從漢祖推心學庭槐空發火
鬢同門柳即垂絲中興未遇先懷策除夜相催也課詩
江上年年接君子一杯春酒一枰碁

寄華山司空表聖

金闕爭權競獻功獨逃徵詔卧三峰雞羣未必容同鶴
蛛網何由捕得龍清論盡應書國史靜籌皆可息邊烽
風霜落滿千株木不近青青澗底松

非雲非鶴不從容誰敢輕量傲世蹤紫殿幾徵王佐業
青山未拆詔書封閒吟每待秋空月早起長先野寺鐘

前古負才多為國滿懷經濟欲何從

寄盧端公同年仁烟時遷都洛陽新立幼主

上陽宮闌翠華歸百辟傷心序漢儀崑岳有炎瓊玉碎
洛川無竹鳳凰饑須簪白筆匡明主莫許黃瓜博少師
惆悵宸居遠於日長吁空摘鬢邊絲

寄天台陳希叟

陰山冰凍嘗迎夏蟄戶雲雷只待春呂望豈嫌垂釣老
西施不恨浣紗貧坐為羽獵車中相飛作君王掌上身
拍手相思惟大笑我曹寧比等閒人

寄兩浙羅書記

進却湮沈退却升錢塘風月過金陵鴻才入貢無人換
白首從軍有詔徵博筭集成時輩罵讒書編就薄徒憎
憐君道在名長在不到慈恩最上層

邑宰相訪翼日有寄

淵明深念郊誥貧踏破莓苔看甌麈碧沼共攀紅茵茵
金鞍不御紫麒麟殘陽妬害催歸客薄酒甘嘗罰主人
夜半夢醒追復想欲長攀接有何因

東歸出城留別知己

常蒙屈指許非才三載長安共酒杯欲別未攀楊柳贈
相留擬待牡丹開寒隨御水波光散暖逐衡陽鴈影來

全五代詩 卷十一
它日因書問衰颯東溪須訪子陵臺

送劉常侍

懷君何計更留連恐送文星上碧天杜預注通三十卷
漢皇枝紹幾千年言端信義如明月筆下篇章似湧泉
他日有書隨鴈足東溪無令訪漁船

送盧拾遺歸華山

紫殿諫多防佞口清秋假滿別明君惟憂急詔歸青瑣
不得經時卧白雲千載茯苓攜鶴劖一峰仙掌為僧分
門前舊客期相薦猶望飛書及主文

送王校書往清源

南國賢侯待德風長途仍借九花驄清歌早貫驪龍額
丹桂曾攀玉兔宮楊柳堤邊梅雨熟鷓鴣聲裏麥田空
吟詩臺上如相問與說磻溪直釣翁

春末送陳先輩之清源

貧中惟是長年華每羨君行自歎嗟歸日捧持明月寶
去時期刻刺桐花春風避雨多遊寺曉騎聽雞早入衙
千乘侯王若相問飛書與報白雲家

岳州端午日送人遊郴連

五月巴陵值積陰送君千里客于郴北風吹雨黃梅落
西日過湖青草深競渡岸傍八桂錦採芳城上女遺簪

九疑雲濶蒼梧暗與說重華舊德音

潘丞相舊宅

綠樹垂枝蔭四隣春風還似舊時春年年燕是雕梁土
處處花隨落月塵七貴竟為長逝客五侯尋作不歸人
秋槐影薄蟬聲盡休謂龍門待化鱗

經過廣平員外舊宅

門巷蕭條引涕洟遺孤三歲著麻衣綠楊樹老垂絲短
翠竹林荒著筍稀結社僧因秋朔弔買書船近葬時歸
平生欲獻匡君策抱病猶言未息機

經過翰林楊左丞池亭

八角紅亭蔭綠池一朝青草蓋遺基
苔薇藤老開花淺翡翠巢空落羽奇
春榜幾深門下客樂章多取集中詩
平生德義人間誦身後何勞更立碑

傷前翰林楊左丞贊圖

飛上鰲頭侍玉皇三台遺耀換餘光
人間搦管窮蒼頡地下修文待卜商
貞魄肯隨金石化真風留伴蕙蘭香
皇天未啟昇平運不使伊臯相禹湯

全五代詩卷八十二

羅江李調元雨村編

閩

徐夔三

讀史

亞父淒涼別楚營
天留三傑翼龍爭
高才無主不能用
直道有時方始平
喜愠子文何穎悟
卷藏蘧瑗甚分明
須知飲啄由天命
休問黃河早晚清

魏

伐罪書勳令不常
爭教為帝與為王
十年小怨誅桓郤

全五代詩

卷三

閩

一

一檄深讎怨孔璋在井蟄龍如屈伏食槽驕馬忽騰驤
奸雄事過分明見英識空懷許子將

蜀

雖倚關張敵萬夫豈勝恩信作良圖能均漢祚三分業
不負荊州六尺孤綠水有魚賢已得青桑如蓋瑞先符
君王幸得中山後建國如何號蜀都

兩晉

三世深謀啟帝基可憐孀婦與孤兒罪歸成濟皇天恨
戈犯明君萬古悲巴蜀削平輕似紙勾吳吞却美如飴
誰知高鼻能知數競向中原簸戰旗

宋二首

天爵休將儋石論一身恭儉萬邦尊賭將金帶驚寰海
留得耕衣誡子孫締構不應饒漢祖奸雄何足數王敦
草中求活非吾事豈管橫身向廟門

百萬人甘一擲輸元亨惟與道相符豈知紫殿新天子
只是丹徒舊嗇夫五色龍章身早見六終鴻業數難逾
三年未得分明夢却為蘭陵起霸圖

陳

三惑昏昏中紫宸萬機拋却醉臨春書中不禮隋文帝
井底常攜張貴嬪玉樹歌聲移入哭金陵天子化為臣

兵戈半渡前江水狎客猶聞爭酒巡

山陰故事

坦腹夫君不可逢
十年猶在播英風
紅鸞化鶴青天遠
綵筆成龍綠水空
愛竹只因憐直節
書裙多是為奇童
吹笙緱嶺登仙後
東注清流豈有窮

覽柳渾汀洲採白蘋之什因成

採盡汀蘋恨別離
鴛鴦鷺鷥總雙飛
月明南浦夢初斷
花落洞庭人未歸
天遠有書隨驛使
夜長無燭照寒機
年來泣淚知多少
重叠成痕在繡衣

月

碧落誰分造化權
結霜凝雪作嬋娟
寒蟬若不開三穴
狡兔何從上九天
莫見團圓明處遠
須看彎曲鑿時偏
邨詵樹老堯莫換
惆悵今年似去年

新月

雲際嬋娟出又藏
美人腸斷拜金方
嫦娥一隻眉先掃
織女三分鏡未光
珠箔寄鈎懸杳靄
白龍遺爪印穹蒼
更期十五圓明夜
與破陰霾照八荒

雲

漠漠沈沈向夕暉
蒼梧巫峽兩相依
天心白日休空蔽
海上故山應自歸
似葢好臨千乘載
如羅堪翦六銖衣

全宋詩 卷二
為霖須救蒼生旱莫向西郊作雨稀

雨

引電隨龍密又輕酒杯閒喫得佳名千山草木和雲暗
陸地波瀾接海平灑竹幾添春睡重滴簷偏遣夜愁生
陰妖冷孽成何恠敢蔽高天日月明

風

城上寒來思莫窮土囊萍末兩難同飄成遠浪江湖際
吹起暮塵京洛中飛雪蕭條殘臘節落花狼籍古行宮
春能和煦秋搖落生殺還同造化功

霞

天際何人濯錦歸偏宜殘照與晨暉流為洞府千年酒
化作靈山幾襲衣野燒燄連殊赫弈愁雲陰隔乍依稀
勞生願學長生術餐盡紅桃上漢飛

露

鶴鳴先警鴈來天洗竹沾花處處鮮散彩幾當蟬飲際
凝光宜對蚌胎前朝垂苑草煙猶重夜滴宮槐月正圓
怵惕與霜同降日蘋蘩思薦獨凄然

霜

應節誰窮造化端菊黃豺祭問應難紅窻透出鴛衾冷
白草飛時鴈塞寒露結芝蘭瓊屑厚日乾葵藿粉痕殘

世間無比催搖落松竹何人肯便看

煙

燎野焚林見所同
惹空橫水展形容
能滋甘雨隨車潤
不並行雲逐客蹤
晴鳥迴籠嘉樹薄
春亭嬌幙好花濃
有時片片風吹去
海碧山青過幾重

和尚書詠煙

無根無蒂結還融
曾觸嵐光徹底空
不散幾知離畢雨
欲飛須待落花風
玲瓏薄展鮫綃片
羃歷輕含鳳竹叢
瓊什捧來思舊隱
撲窻穿戶曉溟濛

曉

水盡銅龍滴漸微
景陽鐘動夢魂飛
潼關雞唱促歸騎
金殿燭殘求御衣
窻下寒機猶自織
梁間棲燕欲雙飛
羲和晴聳扶桑轡
借與寰瀛看早暉

夜

日隊王虞淵燭影開
沈沈煙霧壓浮埃
剡川雪滿子猷去
漢殿月生王母來
簷挂蛛絲應漸織
風吹螢火不成灰
愁人莫道何時旦
自有鐘鳴漏滴催

水

火性何如水性柔
西來東出幾時休
莫言通海能通漢
雖解浮舟也覆舟
湘浦暮沈堯女怨
汾河秋泛漢皇愁

洪波急湍歸何處二月桃花滿眼流

泉

非鑿非疏出洞門源深流嶮合還分高成瀑布漱逋客
清入御溝朝聖君迸滴幾山穿破石迅飛層嶠噴開雲
舊齋一帶連松竹明月窓前枕上聞

東

紫氣天元出故關大明光照九垓間鰲山海上秦娥去
鱸膾江邊齊椽還青帝郊垆平似砥主人階級峻如山
蟠桃樹在煙濤水解凍風高未得攀

南

罩罩嘉魚憶此方送君前浦恨難量火山遠照蒼梧郡
銅柱高標碧海鄉陸賈幾時來越島三閭何日濯滄浪
鍾儀冠帶歸心阻蝴蝶飛園萬草芳

西

密雲郊外已回秋日下崦嵫景懶收秦帝城高堅似鐵
李斯書上曲如鉤寧惟東岳凌天秀更有長庚瞰曙流
見說山傍偏出將犬戎降盡復何愁

北

雪滿胡天日影微李君降虜失良時窮漢駕浪鷗鵬化
極海寄書鴻鴈遲 猶未啟殘兵奔去杳難追

可憐燕谷花間晚鄒律如何為一吹

淚

發事牽情不自由偶然惆悵即難收已聞抱玉沾衣濕
見說迷途滿目流滴盡綺羅紅燭暗隋殘粧閣曉花羞
世間何處偏留得萬點分明湘水頭

夢

月落燈前閉北堂神魂交入杳冥鄉又通毫管醒來異
武帝蘅蕪覺後香傳說已徵賢可輔周公不見恨何長
生松十八年方應通塞人間豈合忙

別

酒盡歌終問後期泛萍浮梗不勝悲東門疋馬夜歸處
南浦片帆飛去時賦罷江淹吟更苦詩成蘓武思何遲
可憐范陸分襟後空折梅花寄所思

愁

夜長偏覺漏聲遲往往隨歌慘翠眉黃葉落催砧杵日
子規啼破夢魂時明妃去泣千行淚蔡琰歸梳兩鬢絲
四皓入山招不得無家歸客最堪欺

恨

事與時違不自由如燒如刺寸心頭烏江項籍忍歸去
鴈塞李陵長繫留燕國飛霜將破夏漢宮紈扇豈禁秋

須知入骨難銷處莫比人間取次愁

忙

雙競龍舟疾似風一星毬子兩朋同平吳破蜀三除裏
滅楚圖秦百戰中春近杜鵑啼不斷寒催歸雁去何窮
兵還失路旌旗亂驚起紅塵似轉蓬

閒

不管人間是與非白雲流水自相依一瓢挂樹傲時代
五柳種門吟落暉江上翠娥遺佩去岸邊紅袖採蓮歸
客星辭得漢光武却坐東江舊蘓磯

詠錢

多蓄多藏豈足論有誰還議濟王孫能於禍處翻為福
解向離家買得恩幾恠鄧通難免餓須知夷甫不曾言
朝爭暮競歸何處盡入權門與倖門

尚書惠蠟面茶

武夷春暖月初圓採摘新芽獻地仙飛鵲印成香蠟片
帝棖溪走木蘭船金槽和碾沈香末冰椀輕涵翠縷煙
分贈恩深知最異晚鐺宜煮北山泉

貢餘秘色茶盞

掇碧融青瑞色新陶成先得貢吾君巧刻明月染春水
輕旋薄冰盛綠雲古鏡破苔當席上嫩荷涵露別江濱

中山竹葉香初發多病那堪中十分

白酒兩瓶送崔侍御

雪花霜融好澗醅滿壺冰凍向春開求從白石洞中得
携向百花岩畔來幾夕露珠寒貝齒一泓銀水冷瓊杯
湖邊送與崔夫子誰見稽山盡日頽

謝主人惠綠酒白魚

早起鶻聲頻送喜白魚芳酒寄來珍馨香乍揭春風甕
撲刺初辭夜雨津樽潤最宜澄桂酒網疏殊未損霜鱗
不曾垂釣鯁親醞堪愧金臺醉飽身

詠筆二首

秦代將軍欲建功截龍搜兔助英雄用多誰念毛皆拔
拋却更嫌心中史氏只因歸道直江淹何獨偶靈通
班超握管不成事投擲翻從萬里戎

君子三歸擅一名秋毫雖細握非輕軍書羽檄教誰錄
帝命王言待我成勢健豈饒淝水陣鋒鋦還學厯山耕
毛乾時有何人潤盡把燒焚恨始平

尚書新造花箋

濃染紅桃二月花只看神筆縱龍蛇淺澄秋水看雲母
碎擊輕苔間粉霞寫賦好追陳后寵題詩堪送竇滔家
使君即入金鑾殿夜直無非草白麻

詠扇
為發涼颺滿玉堂每親襟袖便難忘霜凝雪暗知何在
道契時來忽自揚曾伴一樽臨小檻幾遮殘日過迴廊
漢宮如有秋風起誰信班妃淚數行

溪上要一隻白簾扇蓋頭垂釣去年就節推侍御
請之蒙惠一柄紫花紋者雖則鱗華具在紙薄不
及清源所出因就南郡陳常侍請之遂成拙句
難求珍筴過炎天遠就金貂乞月圓直在引風欹角枕
且圖遮日上漁船但令織取無花簾不用挑為飲露蟬
莫道如今時較晚也應留得到明年

釣車

荻灣漁客巧粧成
碓鑄銀星一點輕
拋過碧江瀾
灘岸
軋殘金井輻
轆聲軸磨驛角水光滑
輪卷春絲水面平
把向嚴灘尋轍迹
漁臺基在輻難傾

尚書筵中詠紅手帕

鶴綾三尺曉霞濃
送與東家二八容
羅帶繡裙輕好繫
藕絲紅縷細初縫
別來拭淚遮桃臉
行去包香隨粉胸
無事把將纏皓腕
為君池上折芙蓉

剪刀

寶持多用繡為囊
雙日交加兩鬢霜
金匣掠平花翡翠

全五代詩 卷十三
綠窓裁破錦鴛鴦初裁連理枝猶短誤縮同心帶不長
欲製緼袍先把看質非紈綺愧銛銛

詠燈

分影由來恨不同綠窓孤館兩何窮
熒煌短燭長疑暗零落殘花旋委空
幾處隔簾愁夜雨誰家當戶怯秋風
莫言明滅無多事曾比人生一世中

燈花

點蠟燒殘却勝裁九華紅豔吐玫瑰
獨含冬夜寒光拆不傍春風煖處開
難見只因能送喜莫挑唯恐墜成灰
貪膏附熱多相誤為報飛蛾罷拂來

帆

豈勞孤棹送行舟輕過天涯勢未休
斷岸曉看殘月掛遠灣寒背夕陽秋
川平直可追飛箭風健還能沂急流
幸遇瀟川恩不淺北溟東海更何愁

全五代詩卷八十三

羅江李調元雨村編

閩

徐夔 四

詠簾

素節輕盈透影勻
何人巧思間成文
閒隨別殿風應泚
半掩行宮麝欲熏
繡戶遠籠寒焰重
玉樓高挂曙光分
無情幾恨黃昏月
纔到如鉤便墮雲

紙帳

幾笑文園四壁空
碎寒深入剡藤中
誤懸謝守澄江練

自宿姮娥白兔宮，幾登玉山開洞壑。半巖春霧結房櫺，
針羅截錦饒君侈。爭及蒙茸煖避風。

紙被

文采鴛鴦罷合歡，細柔輕綴好魚牋。一床明月蓋歸夢，
數尺白雲籠冷眠。披對勁風溫勝酒，擁聽寒雨暖於綿。
赤眉豪客見皆笑，却問儒生直幾錢。

梅花

瓊瑤初綻嶺頭葩，藥粉新粧姹女家。舉世更誰憐潔白，
癡心皆盡愛繁華。元冥借與三冬景，謝氏輸他六出花。
結實和羹知有日，肯隨羌笛落天涯。

牡丹花二首

看遍花無勝此花，翦雲披雪蘸丹砂。開當青律二三月，
破却長安千萬家。天縱穠華劌鄙吝，春教妖艷妬豪華。
不隨寒令同時放，倍種雙松與辟邪。

萬萬花中第一流，淺霞輕染嫩銀甌。能狂綺陌千金子，
也惑朱門萬戶侯。朝日照開携酒看，暮風吹落遶欄收。
詩書滿架塵埃撲，盡日無人畧舉頭。

尚書座上賦牡丹花得輕字其花自越中移植

流蘇凝作瑞華精，仙閣開時麗日晴。霜月冷銷銀燭焰，
寶甌圓印綵雲英。嬌含嫩臉春粧薄，紅蘸香綃艷色輕。

早晚有人天上去寄他將贈董雙成

依韵和尚書再贈牡丹花

爛銀基地薄紅粧羞殺千花百卉芳
紫陌昔曾遊寺看朱門今再逸欄
望龍分夜雨資嬌態天與春風發好香
多着黃金何處買輕橈挑過鏡湖光

郡伯借牡丹花

腸斷東風落牡丹為祥為瑞久留難
青春不駐堪垂淚紅艷已空猶倚欄
積蘚不銷香藥盡晴陽高照露華乾
明年萬葉千枝長倍發芳菲借客看

惜牡丹

今日狂風揭錦筵預愁吹落夕陽天
閒看紅艷只須醉謾惜黃金豈是賢
南國好偷誇粉黛漢宮宜摘贈神仙
良時雖作鶯花主白馬王孫恰少年

憶牡丹

綠樹多和雪霰栽長安一別十年來
玉侯買得價偏重桃李落殘花始開
宋玉隣邊腮正嫩文君機上錦初裁
滄洲春暮空腸斷畫看猶將勸酒杯

追和白舍人詠白牡丹

蓓蕾抽開素練囊瓊葩薰出白龍香
裁分楚女朝雲片剪破姮娥夜月光
雪向豈須徵柳絮粉腮應恨貼梅粧

金五代詩 卷之三
檻邊幾笑東籬菊冷折金風待降霜

菊花

桓景登高事可尋黃花開處綠畦深
冷露寒霜我自禁籬槿早榮還早謝
澗松同德復同心
陶公豈是居貧者剩有東籬萬朵金

司直巡官無諸移到玫瑰花

芳菲移自越王臺最似薔薇好並栽
穠艷盡憐勝綵繪
嘉名誰贈作玫瑰春成錦繡風吹折
天染瓊瑤日照開
為報朱衣早邀客莫教零落委蒼苔

松

澗底青松不染塵未逢良匠競誰分
龍盤勁節巖前見
鶴唳翠梢天上聞大厦可營誰擇木
女蘿相附欲凌雲
皇王自有增封日修竹徒勞號此君

畫松

澗底陰森驗筆精筆間開展覺神清
曾當月照還無影
若許風吹合有聲枝偃只應元鶴識
根深宜與茯苓生
天台道士頻來見說似株株倚赤城

柳

漠漠金條引線微年年光翠報春歸
解籠飛靄延芳景
不逐亂花飄夕暉啼鳥噪蟬堪悵望
舞煙搖水自因依

五株名顯陶家後見說辭榮種者稀

竹

翠染琅玕粉漸開東南移得會稽栽游絲挂處漁竿去
綠水夾時龍影來風觸有聲含六律露沾如洗絕浮埃
王猷舊宅無人到抱却清陰蓋綠苔

筍鞭

筍竹巖邊別翠苔錦江波冷洗瓊瑰纍纍節轉蒼龍骨
寸寸珠聯巨蚌胎須向廣場驅駟駿莫從閒處撻駑駘
寧同晉帝環營日拋賺中途後騎來

荔枝二首

朱彈星丸燦日光綠瓊枝散小香囊龍綃殼綻紅紋粟
魚目珠涵白膜漿梅熟已過南嶺雨橘酸空待洞庭霜
蠻山蹋曉和煙摘拜捧金盤獻越王

日日薰風捲瘴煙南園珍果荔枝
巫鴉啄破瓊津酒
寶氣盛來蚌腹圓錦里只聞消酒
海蕊宮惟合贈神仙
何人刺出猩猩血深染羅紋遍殼鮮

苔

印留麋鹿野禽蹤岩壑漁磯幾處逢金谷曉疑花影重
章華春映柳陰濃石橋羽客遺前迹陳閣才人沒舊容
歸去掃除塔砌下蘚痕殘綠一重重

萍

為實隨流瑞色新
泛風縈草護遊鱗
密行碧水澄涵月
澁滯輕梳去採蘋
比物何名腰下劍
無根堪並鏡中身
平湖春渚知何限
撥破閒投獨爾綸

蒲

濯秀盤根在碧流
紫茵含露向晴抽
編為細履隨君步
織作輕帆送客愁
疎葉稍為投餌釣
密叢還碍採蓮舟
鴛鴦鷓鴣多情甚
日日雙雙遶傍游

草

廢苑荒堦伴綠苔
恩疎長信恨難開
姑蘓麋鹿應思食

楚澤王孫已不來
色嫩似將藍汁染
葉齊如把剪刀裁
燕昭沒後多卿士
千載流芳郭隗臺

鶴

閨苑瑤臺歲月長
一歸華表好增傷
新聲乍警初零露
折羽閒飛幾片霜
要伴神仙歸碧落
豈隨龜鶴往西塘
三山頂上無人處
瓊樹堪巢不死鄉

鴻

行如兄弟影連空
春去秋來燕不同
紫塞別當寒露白
碧山飛入暮霞紅
宣王德美周詩內
蘓武書傳漢苑中
沉解啣蘆避弓箭
一聲歸唳楚天風

金五竹譜 卷之三
宮鶯
領得春光在帝家早從深谷出煙霞閒樓仙禁日邊柳
饑啄御園天上花睨眄只宜陪閣鳳間關多是問宮娃
可憐鸚鵡矜言語長閉雕籠歲月賒

鷹

害物傷生性豈馴且宜籠罩待知人惟擒燕雀啗腥血
却笑鸞凰啄翠筠狡兔穴多非爾識鳴鳩脰短罰君身
豪門不讀詩書者走馬平原放玩頻

鵲

神化難源瑞即開雕陵毛羽出塵埃香閨報喜行人至

碧漢填河織女回明月解隨烏繞樹青銅寧愧雀為臺
瓊枝翠葉庭前植從待翩翩去又來

鸞

從待嘶泥濺客衣百禽靈性比他稀何嫌何恨秋須去
無約無期春自歸鷓鴣不容應自恠棟梁堪庇願相依
吳王宮女嬌相襲合整雙毛預奮飛

雙鷺

雙鷺雕籠昨夜開月明飛出立庭隈但教綠水池塘在
自有碧天鴻鴈來清韻叫霜歸島樹素翎遺雪落漁臺
何人為我追尋得重勸溪翁酒一杯

鷓鴣

繡僕梅兼羽翼全楚雞非瑞莫爭先啼歸明月落邊樹
飛入百花深處煙避燒幾曾遺遠岫引雛時見飲晴川
荔枝初熟無人際啄破紅苞墜野田

尚書打毬小驄步驟最奇因贈

善價千金未可論燕王新寄小龍孫
逐將白日馳清漢
啣得流星入畫門
步驟最能隨手轉
性靈多恐會人言
桃花雪點多雖貴
全假當場一顧恩

郡侯坐上觀琉璃瓶中游魚

寶器一泓銀漢水錦鱗纔動即先知
似涵明月波寧隔

欲上輕冰律未移薄霧罩來分咫尺
碧綃籠處較毫釐
文翁未得沈香餌
擬置金盤台左慈

蝴蝶二首

縹緲青蟲脫殼微不堪煙重雨霏霏
一枝穠艷留教住
幾處春風借與飛
防患每憂雞雀口
憐香偏逸綺羅衣
無情豈解關鳧夢
莫信莊周說是非

拂綠穿紅麗日長
一生心事住春光
最嫌神女來行雨
愛伴西施去採香
風定只應攢蕊粉
夜寒長是宿花房
鳴蟬性分殊
上澗空解三秋噪
夕陽

蟬

寒鳴寧與衆蟲同翼鬚綉冠豈道窮殼蛻已從今日化
聲愁何似去年中朝催籬菊花開露暮促槐庭葉墜風
從此最能驚賊客計居何處轉飛蓬

螢

月墜西樓夜影空透簾穿幙達房櫳流光堪在珠璣列
為火不生榆柳中一一點通黃卷字輕輕化出綠蕪叢
欲知應候何時節六月初迎大暑風

迴文二首

飛書一幅錦文迴恨寫深情寄鴈來機上月殘香閣掩
樹梢煙淡綠窓開霏霏雨罷歌終曲漠漠雲深酒滿杯

歸日幾人行問卜徽音想望倚高臺

輕帆數點千峰碧水接雲山四望遙晴日海霞紅靄靄
曉天江樹綠迢迢清波石眼泉當檻小迳松門寺對橋
明月釣舟漁浦遠傾山雪浪暗隨潮

自詠十韻

只合滄洲釣與耕忽依螢燭愧功成未遊官路叨卑官
纔到名場得大名梁苑二年陪衆客温陵十載佐雙旌
錢財盡是侯王惠骨肉偕承里巷榮拙賦偏聞鑄印賣
惡詩親見畫圖呈使宅行寅回文八體詩圖兩面庚午
秋使樓赴宴每一倒翻讀八韻也多栽桃李期
春色潤鑿池塘許月明寒益衿凋饒美寢出乘車馬免

徒行粗支薪粟防飢歎薄有杯盤備送迎僧俗共鄰棲
隱樂妻孥同愛水雲清如今便死還甘分莫更嫌他白
髮生

和尚書詠泉山瀑布十二韻

名齊火浣溢山椒誰把驚虹挂一條天外倚來秋水刃
海心飛上白龍綃民田鑿斷雲根引僧圍穿通竹影澆
噴石似煙輕漠漠濺崖如雨冷瀟瀟水中蠶緒纏蒼壁
日裏虹精挂絳霄寒漱綠陰仙桂老碎流紅艷野桃天
千尋練寫長年在六出花開夏日消急恐劃分青嶂骨
久應褊裂翠微腰濯纓便可譏漁父洗耳還宜傲帝堯

林際猿猴偏得飲岸邊烏鵲擬為橋赤城未到詩先寄
盧阜曾遊夢已遙數夜積霖聲更遠郡樓欹枕聽良宵
尚書會仙亭詠薔薇寅坐中聯四韻晚歸緝所聯

因成一篇

結綠根株翡翠莖句芒中夜刺猩猩景陽粧赴嚴鐘出
楚峽神教暮雨情躑躅豈能同日語玫瑰方可一時呈
風吹嫩帶香苞展露灑啼思淚點輕阿母並宮期索去
昭君榆塞關齋行藁高恐礙含光燕架穩宜棲報曙鶯
鬪日只憂燒密葉映堦疑欲讓雙旌含煙散纈佳人惜
落地遺鈿少妓爭丹渥不因輸繡段錢圓誰把買花聲

海棠若要分流品秋菊春蘭兩恰平

偶題二首

買骨須求騏驎骨愛毛宜採鳳凰毛
駑駘燕雀堪何用仍向人前價例高

賦就神都振大名斬蛇功與樂天爭
歸來延壽溪頭坐終日無人問一聲

鏡中覽

晨起梳頭忽自悲鬢中親見數莖絲
從今休說龍泉劍世上恩讎報已遲

初夏戲作

長養薰風拂曉吹漸開荷葉落薔薇
青蟲也學莊周夢化作南園蛺蝶飛

杏園

杏苑簫聲好醉鄉春風嘉宴更無雙
憑誰為謔穆天子莫把瑤池並曲江

楚國史

六國商於恨最多良弓休縮劍休磨
君王不剪如簧舌再得張儀欲奈何

張儀

荆楚南來又北歸分明舌在不應違
懷王本是無心者

籠得蒼鷹却放飛

讀漢記

布衣空手取中原
勁卒雄師不足論
楚國八千秦百萬
豁開胸臆一時吞

李夫人二首

不望金輿到錦帷
人間樂極即須悲
若言要識愁中貌
也似君恩日日衰
招得香魂爵少翁
九華燈燭曉還空
漢王不及吳王樂
且與西施死處同

明妃

不用牽心恨畫工
帝家無策及邊戎
香魂若得昇明月
夜夜還應照漢宮

馬嵬

二百年來事遠聞
從龍誰解盡如雲
張均兄弟皆何在
却是楊妃死報君

依韵荅黃校書

慈恩鴈塔參差榜
杏苑鶯花次第遊
白日有愁猶可散
青山高卧况無愁

依韵贈南安方處士五首

七貴五侯生肯退
利塵名網死當拋
黔婁窳窳嚴陵卧

借問何人與結交

休把羸蹄踏雪霜書成何處獻君王嵩山好與浮邱約

三十六峰雲外鄉

百萬僧中不為僧比君知道僅誰能無家寄泊南安縣

六月門前也似冰

兩鬢當春却似秋僻居誇近野僧樓落花明月皆臨水

明月不流花自流

晉楚忙忙起戰塵龔黃門下有高人一畦雲薤三株竹

席上先生未是貧

寄華山司空侍郎

仙掌林中第一人鶴書時或問眠雲莫言疏野全無事

明月清風肯放君

聞司空侍郎訃音

園綺生雖逢漢室巢由死不謁堯階八徵不起夫君沒後何人

葬合取夷齊隱處埋

傷進士謝庭皓

大順中以詞賦著名與黃
不想上下也時號錦繡帷

獻書猶未達明君何事先遊岱岳雲惟有春風護冤魄

與生青草蓋孤墳

追和賈浪仙古鏡

誰聞黃帝橋山塚明月飛光出九泉狼籍蘚痕磨不盡

黑雲殘點汗秋天

新刺襪

素手春溪罷浣紗
巧裁明月半彎斜
齊宮合贈東昏寵
好步黃金菡萏花

大夫松

五樹旌封許歲寒
挽柯攀葉也無端
爭如澗底凌霜節
不受秦王號此官

薔薇

朝露洒時如濯錦
晚風飄處似遺鈿
重門剩著黃金鎖
莫被飛瓊摘上天

蕉葉

綠綺新裁織女機
擺風搖日影離披
只應青帝行春罷
閒倚東牆卓翠旗

路傍草

楚甸秦原萬里平
誰教根向路傍生
輕蹄繡轂長相蹋
合是榮時不得榮

猿

宿有喬林飲一溪
生來蹤跡遠塵泥
不知心更愁何事
每向深山夜夜啼

蝴蝶三首

全五代詩

卷之三

閩

十四

不並難飛繭裏蛾有花芳處定經過天風相送輕飄去
却笑蜘蛛漫織羅
萼萼雙雙拂畫欄佳人偷眼再三看莫欺翼短飛長近
試就花間捉也難
栩栩無因繫得他野園荒徑一何多不聞絲竹誰教舞
應仗流鶯為唱歌

全五代詩卷八十四

羅江李調元雨村 編

閩

黃滔

滔字文江莆田人昭宗乾寧二年擢進士第光
化中除四門博士尋遷監察御史裏行充威武
軍節度推官王審知據有全閩而終其身為節
將者滔規正有力焉著有泉山秀句集

避地來閩若韓偓李洵輩悉主于滔滔文詞贍蔚典則詩清淳羊潤
有貞元長慶風馬嵬館娃景陽水殿諸賦雄新雋永稱一時絕調天
祐中翁承贊使閩賜金紫以行易其居處曰文秀亭光賢閣書錦堂
黃滔為詩榮之有建水閩山無故事長知嚴助是前身之句楊誠

全五代詩

卷八十四

閩

一

齋云詩至晚唐益工涵詩始寺寒三伏雨松隱教訓板如青山寒帶雨古木
夜啼猿又如聞鴈之一聲初觸夢半白已足
知孰先洪邁三涵詩清淳丰潤如與人坐
震亨云涵有別撰景山秀句三十卷皆閩士詩惜尋訪未得

長安書事

終不離青山誰道雲無心卻是白雲士有時出中林昨
日擎紫泥明日要黃金
一髮羣木死北海驚波深伏蒲
無一言草疏賀德音

寄友人

君愛桃李花桃李花易飄妾憐松柏色松柏色難凋當
年識君初指期非一朝今晨見君意日暮何蕭條入門
有勢利孰能無囂囂

寓言

流年五十前朝朝倚少年流年五十後日日侵皓首非
通非介人誰論四十九賢哉遠伯玉清風獨不朽

落花

落花辭高樹最是愁人處一一旋成泥日暮有風雨不
如沙上蓬根斷隨長風飄然與道俱無情任西東

閨怨

妾家五嶺南君戍三城北雁來雖有書衡陽越不得別
久情易料豈在窺翰墨塞上無烟花寧思妾顏色

賈客

全五代詩

卷八十四
關
二

大舟有深利滄海無淺波利深波也深君意竟如何鯨
鯢齒上路何如少經過

寄徐正字黃

八日月如冰登樓見姑射美人隔千里相思無羽駕紅
蘭衰露衰誰似流光訝何當詩一句同吟祝元化

喜翁文亮員外病起

衛玠羊車懸長卿駟馬安天嫌太端正神乃減風儀飲
冰俾消渴斷穀皆清羸越僧誇艾炷秦女隔花枝自能
論苦器語見泗州和尚碑不假求良醫驚殺漳濱鬼錯與劉生隨
昨日已如虎今朝謁荀池揚鞭入王門四面人熙熙青

桂仍霜霰尺璧無瑕疵迴塵却惆悵歸關難遲遲

送僧歸北巖寺

北巖泉石清本自高僧住新松五十年藤蘿成古樹題

詩昔佳士

滄表文從叔有名於當時兼四明薛博士俱曾題詩

清風二林喻上智失叩關

多被浮名誤蓮局壓月澗空美黃金布江翻島嶼沈木
落樓臺露伊余東還際每起烟霞慕旋為儉府招未得
窮野步西軒白雲閣師辭洞庭寓越城今送歸心到焚
香處

秋夕貧居

聽歌桂席闌下馬槐烟裏豪門腐梁肉窮巷思糠粃孤

燈照獨吟半壁秋花死遲明亦如晦鷄唱徒為爾

書懷寄友人

此生如孤燈素心挑易盡不及如頑石非與磨礪近常
思楊子雲五藏曾離身寂寞一生中千載空清芬

上李補闕

十洲非暫別龍尾肯慵登諫草封山藥朝衣施衲僧月
留江客待句歷釣船微終恐林棲去食霞葉上昇

敷水盧校書

九霄無詔下何事近清塵宅帶松蘿僻日唯猿鳥親吟
高仙掌月期有洞庭人莫問烟霞句懸知見岳神

寄邊上從事

斜日下孤城長吟出點兵羽書和客卷邊思雜詩情朔
雪定鴻翼西風嚴角聲吟餘多獨坐沙月對樓生

寄鄭縣李侍御

古縣新烟火東西入客詩靜長如假一作如日貧更甚閑
時僧借松蘿住人將雨雪期三年一官罷嶽石看成碑

書崔少府居

一作贈
李補闕

魯史獨疑旁陶然舉一觴夕陽明島嶼秋水浚池塘世
亂憐官替家貧值歲荒前峰亦曾宿知有辟寒方

寄漢上友人

襄漢多清景東遊已不能兼葭照流水風雨撲孤燈獻
賦聞新鴈思山見去僧知君北來日惆悵亦難勝

書懷

退耕逢歎歲逐貢愧行朝道在愁雖浚吟勞鬢欲凋破
村虹入井孤館客投魍誰怕秋風起聽蟬度渭橋

秋辭江南

灞陵橋上路難負一年期積雨鴻來夜重江客去時勞
生多故疾漸老少新知惆悵都堂內無門雪滯遺

退居

老歸江上村孤寂欲何言世亂時人物家貧後子孫青

山寒帶雨古木夜啼猿惆悵西川舉戎裝度劍門

遊東林寺

平生愛山水下馬虎溪時已到終嫌晚重遊預作期寺
寒三伏雨松偃數朝枝翻譯如曾見白蓮開舊池

寄李校書遊簡寂觀

古觀雲溪上孤懷永夜中梧桐四更雨山木一庭風詩
得如何句仙遊最勝宮卻愁逢羽客相與入煙空

旅懷

蕭颯聞風葉驚時不自堪宦名中夜切人事長年譚古
畫僧留與新知客遇談鄉心隨去鴈一到江南

冬暮山舍喜標上人見訪

寂寞三冬杪深居業盡拋
逕松開雪後砌竹忽僧敲
茗汲冰銷溜鑪燒鵲去巢
共談慵僻意微日下林梢

關中言懷

三秦五嶺意不得不依然
跡寓枯槐曲業蕪芳草川
花當落第眼雨暗出城天
層閣浮雲外何人動管絃

書事

望歲心空切耕夫盡把弓
千家數人在一稅十平空
冷陣風沙黑燒城水陸紅
飛章奏西蜀明詔與殊功

送李山人往湘中

漢渚往湘川乘流入遠天
新秋無岸水明月有

坐應通曉萍居恐隔年
嶽峯千萬仞知上嘯猿前

貽林鐸

終被春闈屈低回至白頭
寄家僧許嶽釣浦雨移洲
戰士曾憐善豪門不信愁
王孫草還綠何處擬羈遊

入關旅次言懷

寸心唯自切上國與誰期
月晦時風雨秋深日別離
便休終未肯已苦不能疑
獨媿商山路千年四皓祠

寄林寬

相知四十年故國與長安
俱喜今辰在休論往歲難
海

鳴秋日黑山直夏風寒終始前儒道昇沈盡一般

送友人邊遊

銜杯國門外分手見殘陽何日還南越今朝往北荒砂
城經雨壞虜騎入秋狂親詠關山月歸吟鬢的霜

下第出京

還失禮官求花時出雍州一生為遠客幾處未曾遊故
疾江南雨單衣薊北秋茫茫數年事今日淚俱流

送友人遊邊

虜酒不能濃縱傾愁亦重關河初落日霜雪下窮冬野
燒枯蓬旋沙風足馬衝薊門無易過千里斷人蹤

一作遊
子真從

容

過商山

燕雁一來後人人盡到關如何衝臘雪獨自過商山羸
馬高坡下哀猿絕壁間此心無處說鬢向少年斑

題道成上人院

花宮城郭內師住亦清涼何必天台寺幽禪瀑布房簾
舒湘竹滑茗煮蜀芽香更看道高處君侯題翠梁

河梁

五原人走馬昨夜到京師繡戶新夫婦河梁生別離隴
花開不艷羞笛靜猶悲惆悵良哉輔鏘鏘立鳳池

全五代詩

卷八

閩

七

貧居冬杪
數塞未求通吾非學養蒙窮居歲杪雨孤坐夜深風年
長慙昭代才微辱至公還愁把春酒雙淚汚杯中

貽張蠟

夢思非一日攜手却淒涼詩見江南電遊經塞北霜驅
車先五漏把菊後重陽惆悵天邊桂誰教歲歲香

寄湘中鄭明府

縣與白雲連滄州况縣前嶽僧同夜坐江月看秋圓琴
拂莎庭石茶擔乳洞泉莫耽雲水興疲俗待君痊

題鄭山人居

履迹遍莓苔幽枝間藥栽枯杉繁雪柔破牖觸風開泉
自孤峰落人從諸洞來終期宿清夜斟茗說天台

秋晚山居

爽氣遍搜空難堪倚望中孤煙愁落日高木病西風山
寂樵聲出露涼蟬思窮山時塵外事幽默幾人同

遊山

洞門穿瀑布塵世豈能通曾有遊山客來逢採藥翁異
花尋復失幽逕躡還窮擬作經宵計風雷立滿空

送翁拾遺

還家俄一作還赴闕別思肯淒淒山坐輶車看詩持一作諫

筆題天開中國大地設四維
低拜舞吾君後青雲更有梯
貽李山人

野步愛江濱江僧得見頻
新文無古集往事有清塵
松竹寒時雨池塘勝處春
定應雲雨內陶謝是前身

送陳樵下第東歸

青山烹茗石滄海寄家船
雖得重吟歷終難任意眠
磻跡連寺柳風爽徹城泉
送目紅蕉外來期已杳然

寄陳磻隱居

道經前輩許名拔後時喧
虛左中興榜無先北海尊
新文漢氏史別墅謝公村
須到三徵處堂堂謁帝闕

贈懷光上人

謝城還擁入師以接人
勞過午休齋慣離經吐論
高頂寒拳素髮珠銳走紅
條終憶泉山寺聽猿看海
濤

憶廬山舊遊

前年入廬嶽數宿在靈溪
殘燭松堂掩孤峰月狹啼
平生為客老勝境失雲棲
縱有重遊日烟霞會恐迷

別友人

莫恨東墻下頻傷命不通
苦心如有感他日自推公
雨夜扁舟發花時別酒空
越山烟翠在終媿卧雲翁

陳侍御新居

幕客開新第詞人遍有詩山憐九仙近石買太湖奇樹
勢想高日地形誇得時自然成避俗休與白雲期

寄從兄璞

緹微終不起相與避烟塵待到中興日同看上國春新
詩說人盡舊宅落花頻移覓深山住啼猿作四隣

寄友人山居

斷嶠滄江上相思恨阻尋高齋秋不掩幾夜月當吟落
石有泉滴盈庭無樹陰茫茫名利內何以拂塵襟

上刑部盧員外

誰識在官意開門樹色間尋幽頻宿寺乞假擬歸山半

白侵吟鬢微紅見藥顏不知琴月夜幾客得同閒

和友人酬寄

新發烟霞詠高人得以傳吟銷松際雨冷咽石間泉大
國兵戈日故鄉饑饉年相逢江海上寧免一潸然

下第

昨夜孤燈下闌干泣數行辭家後早歲落第在初場青
草湖田改單車客路忙何人立功業新命到封王

題友人山居

到君棲迹所竹逕與衡門亦在乾坤內獨無塵俗喧新
泉浮石蘚崩壁露松根更說尋僧處孤峰上嘯猿

寄敷水盧校書

諫省垂清論仙曹豈久臨雖專良史業未畏直臣心路
入丹霄近家藏華嶽深還如韓吏部誰不望知音

贈明州霍員外

惠化如施雨鄰州亦可依正衙無吏近高會覺人稀海
日旗邊出沙禽角外歸四明多隱客閑約到巖扉

題友人山齋

疎竹漏斜暉庭間陰復遺句成苔石茗吟弄雪窗碁沙
草泉經澀林齋客集遲西風虛見逼未擬問京師

題山居逸人

十畝餘蘆葦新秋看雪霜世人誰到此塵念自應忘斜
日風收釣深秋雨信梁不知鷺關下何以謂軒裳

題王侍御宅內亭子

俗間塵外境郭內宅中亭或有人家創還無蓮幕磬石
曾湖岸見琴誤嶽樓聽來客頻頻說終須作畫屏

贈友人

超達陶子性留琴不設絃覓句朝忘食傾杯夜廢眠爰
月影為伴吟風聲自連聽此鶯飛谷心懷迷遠川

晚春關中

忍歷東莊出東風舞酒旗百花無看處三月到殘時遊

塞聞兵起還吳值歲饑定唯荒寺裏坐與噪蟬期

逢友人

彼此若飄蓬二年何所從帝都秋未入江館夜相逢瘴
嶺行衝夏邊沙住隔冬旅愁論未盡古寺叩晨鐘

寄少常盧同年

官拜少常休青緇換鹿裘狂歌離樂府醉夢到瀛洲
荒巖耕得神方客謎留清溪莫沈釣王者或改遊

傷翁外甥

江頭去時路歸客幾紛紛獨在異鄉歿苦為慈母聞
春成大夜新雨壞孤墳應作芝蘭出泉臺月桂分

寄獻梓潼山侯侍御

漢宮行廟略簪笏落民間直道三湘水高情四皓
衣僧脫去奏表主批還地得松蘿塢泉通雨雪灣東
添故事南省缺新班有新命不起片石秋從露幽窗夜不關
餘蟾隱映吟次烏綿蠻可惜相如作當時事悉閑自注二時常拾

遺諫

壬癸歲書情

故園招隱客應便笑無成謁帝逢移國投文值用兵孤
松憐鶴在疎柳惡蟬鳴疋馬迷歸處青雲失曩情江頭
寒夜宿壠上歉年耕冠蓋新人物漁樵舊弟兄易生唯

白髮難立是浮名惆悵灞橋路秋風誰入行

塞上

掘地破重城燒山搜伏兵金徽互鳴咽玉笛自淒清使
發西都聳塵空北嶽橫長河涉有路曠野宿無程沙雨
黃鶯嚙轅門青草生馬歸秦苑牧人在虜雲耕落日牛
羊聚秋風鼓角鳴如何漢天子青塚杳含情

河南府試秋夕聞新鴈

湘南飛去日薊北乍驚秋叫出隴雲夜聞為客子愁一
聲初觸夢半白已侵頭旅館多欹枕江城起倚樓餘燈
依古壁片月下滄洲寂聽良月徹躊躇感歲流

和吳學士對春雪獻韋令公次韻

春雪下盈空翻疑臘未窮連天寧認月墮地屢兼風忽
誤邊沙上應平火嶺中林間妨走獸雲際落飛鴻梁苑
還吟客齊都省創宮掩扉皆堽址移律愧居東書幌飄
全濕茶鐺入旋融奔川半留滯疊樹互玲瓏出戶行瑤
砌開園見粉叢高才興詠處真宰荅殊功

省試內出白鹿宣示百官

乾寧二年

上瑞何曾乏毛羣表色難推於五靈少宣示百寮觀形
奪場駒潔光交月兔寒已馴瑤草別孤立雪花團戴豸
慙端士抽毫躍史官貴臣歌咏日皆作白麟看

壺公山

古老相傳古仙姓陳名壺公於此山成道因而名焉

八面峰巒秀孤高可偶然數人遊頂上滄海見東邊不信無靈洞相傳有古仙橋如珠一作夏在池象月垂穿

而圓兼橋樹朱寶夏在鬚髯嘗聞樂岩堯半插天山寒徹三伏松偃出

千年樵牧時迷所倉箱歲疊川嚴祠風雨管怪木薜蘿

纏青草方中藥蒼苔石裏錢瓊津流乳竇春色駐芝田

烏兔中時近龍蛇蟄處臙士嘉名光列土秀氣產羣賢瀑

鑠瑤臺路溪舁釣浦船鼈三以擎恐沒地軸歷應旋蠲疾

寒甘露藏珍起瑞烟畫工志九夢寐詩客寄林泉掘地多

雲母緣霜欠木棉井通鱒吐脉僧隔虎棲禪山間有井通海盈縮之候貞元

中有僧號法通咸通中有僧號宏播於虎而法通曾下山遇兩虎爭一牛乃叱

絕頂獨禪昏行至降

危磴千尋拔

奇花四季鮮鶴歸懸圃少下碧梧偏桃易炎涼熟茶

推醉醒煎邨家蒙棗栗俗骨爽援蟬谷語昇喬鳥陂開

共蒂蓮落楓丹葉舞新蕨紫芽拳翠竹雕羞笛懸藤煮

蜀笺白雲長掩映流水別潺湲作賦前儒闕冲虛南國

先省即求牧看野老菴齋眠潘郎中存寶詩云雙旌救清源吟看壺公翠又歐陽稚先輩自刺史蘇君

書求泉山之為畫并云壺公之高洛陽之深夢想所思寺立興衰創碑湏一二鑄清吟思

却隱簪紱奈紫牽

省試奉詔漲曲江池

以春字為韻時乾符二年

地脉寒來淺思波住後新引將諸派水別貯大都春幽

咽疏通處清冷迸入夜漸平連杏岸旋澗映樓津沙沒
迷行徑洲寬恣躍鱗願當舟楫便一附濟川人

題宣一僧正院

五級凌虛塔三生落髮師都僧雖有託孤嶠遂無期井
邑焚香待君侯減俸資山衣隨疊破萊骨逐年羸茶取
寒泉試松於遠澗移吾曹來頂手不合不題詩

省試一一吹竽

乾符二年

齊竽今歷試真偽不難知欲使聲聲別須令箇箇吹後
先無錯雜能否立參差次第教單進宮商乃異宜凡音
皆竄跡至藝始呈竒以此論文學終憑一一窺

明月照高樓

月滿長空朗樓侵碧落橫波文流藻井桂魄拂雕楹深
鑿羅紈薄寒搜戶牖清冰鋪梁燕噤霜覆瓦松傾卓午
收全影斜懸轉半明佳人當此夕多少別離情

廣州試越臺懷古

南越千年事興懷一旦來歌鐘非舊俗烟月有層臺北
望人何在東流水不回吹窗風雜瘴沾檻雨經梅壯氣
曾難揖空名信可哀不堪登覽處花落與花開

襄州試白雲歸帝鄉

杳杳復霏霏應緣有所依不言天路遠終望帝鄉歸高

嶽和霜過遙關帶月飛漸憐雙關近寧恨衆山違陣觸
銀河亂光連粉署微旅人隨計日自笑比麻衣

出關言懷

又乞書題出關西謁列侯寄家僧許嶽釣浦雨移洲賣
馬登長陸沾衣逐勝遊菜腸終日餒霜鬢度年秋詩苦
無人愛言公是世仇却憐庭際草中有號忘憂

按三四又見
贈林鐸詩

和王舍人崔補闕題天王寺

郭內青山寺難論此嶠竒白雲生院落流水下城池石
像雷霆啟江沙鼎鼐期嶽僧來坐夏秦客會題詩岡轉
泉根滑門升薜級危巖微今日句黃絹昔年碑歇鶴松

低閣鳴蛩徑出籬粉垣千堵束金塔九層支啼鳥笙簧
韻開花錦繡姿清齋奔井邑元髮剃無羸極浦征帆小
平蕪落日遲風篁清却暑烟草綠無時信士三公作靈
蹤四絕推良遊如不宥明月擬何之

全五代詩卷八十五

羅江李調元雨村 編

閩

黃滔二

送林寬下第東歸

為君惆悵惜離京
年少無人屈名積
雪未開移發日
鳴蟬初急說來程
楚天去路過飛鴈
灞岸歸塵觸鎖城
又得新詩幾章別
烟村竹迳海濤聲

高山贈隱者

誰不相逢話息機
九重城裏自依依
蓬萊水淺有人說

商洛山高無客歸數隻珍禽寒月在千株古木熱時稀
西窓昨夜鳴蛩盡知夢芝翁起扣扉

送二友遊湘中

千里楚江新雨晴同征骨恨迹如萍孤舟泊處聯詩句
八月中旬宿洞庭為客早悲煙草綠移家晚失嶽峯青
今來無計相從去歸日汀洲乞畫屏

塞下

疋馬蕭蕭去不前平蕪千里見窮邊關山色死秋深一作深秋
日鼓角聲沈霜重天荒骨或銜殘鐵露驚風時掠暮沙
旋隴頭冤氣無歸處化作陰雲飛杳然

閨怨

寸心杳與馬蹄隨如蛇形容在錦帷江上月明船發後
花間日暮信迴時五陵夜作酬恩計四塞秋為破虜期
待到乘輅入門處淚珠流盡玉顏衰

寄蔣先輩

夫差宮苑悉蒼苔攜客朝遊夜未回塚上題詩蘓小見
江頭酹酒伍員來秋風急處煙花落明月中時水寺開
千載三吳有高跡虎邱山翠益崔嵬

辭相府

從漢至唐分五州誰為將相作諸侯閩江似鏡正堪戀

秦客如蓬難久留
足馬忍辭藩屏去
小才寧副廟堂求
今朝拜別幡幢下
雙淚如珠滴不休

寄羅郎中隱

休向中興雪至冤
錢塘江上看濤翻
三徵不起時賢議
九轉終成道者言
綠酒千杯腸已爛
新詩數首骨猶存
瑤蟾若使知人事
仙桂應遭蠹卻根

江行遇王侍御

數年分散秦吳隔
暫泊官船浦柳中
新草軍書名更重
久辭山逕業應空
渡頭潮落將行客
天際風高未宿鴻
此日相逢魂合斷
賴君身事漸飛冲

題陳山人居

猶自莓苔馬跡重
石嵌泉冷嬾移峯
空垂鳳食簷前竹
漫拔龍形澗底松
隔岸青山秋是寺
半牀明月夜聞鐘
誰能惆悵磻溪事
今古悠悠不再逢

送人明經及第東歸

十問九通離義牀
今時登第信非常
亦從南院看新榜
旋東春闕歸故鄉
水到吳門方見海
樹侵閩嶺漸無霜
知君已塞平生願
日與交親醉幾場

催妝

北府迎塵南郡來
莫將芳意更遲回
雖言天上光陰別

且被人間更漏催烟樹迥垂連蒂杏絲童交捧合歡杯
吹簫不是神仙曲爭引秦娥下鳳臺

寄楊贊圖學士

東堂第一領春風時怪闕西小驥慵華表柱頭還有鶴
華歆名下別無龍君恩鳳閣含毫數詩景珠宮列肆供
今日江南駐舟處莫言歸計為雲峯

遇羅員外袞

灞陵橋外駐征轅此一分飛十六年多角戴時垂素髮
雞香舍處隔青天綺園難貯林棲意班馬須持筆削權
可忘自初相識地秋風明月客郵延

寄懷南北故人

秋風昨夜落芙蓉一片離心到外區南海浪高書隋水
北州城破客降胡玉窗挑鳳佳人老綺陌啼鶯碧樹枯
嶺上青嵐隴頭月時通魂夢出來無

別友人

已喜相逢又怨嗟十年飄泊在京華大朝多事還停舉
故國經荒未有家烏帶夕陽投遠樹人衝臘雪往邊沙
夢魂空繫瀟湘岸煙水茫茫蘆葦花

寄羅浮山道者二首

天際雙山壓海濱天漫絕頂海漫根時聞雷雨驚樵客

長有龍蛇護洞門
泉石暮舍朱槿晝
煙霞冬閉木棉溫
林間學道如容我
今便辭他寵辱喧

有人曾見洞中仙
纔到一作見人間便越年
金鼎藥成龍

入海玉函書發鶴
歸天樓開石脉千
尋直山折鼇鱗一

半臙誰到月明朝
禮處翠巖深鎖荔
枝煙

過分水嶺一作許棠詩

隴山高共鳥行齊
瞰險盤空甚躡梯
雲勢崩騰時向背
水聲嗚咽若東西
風兼雨氣吹人面
石帶冰稜礙馬蹄
此去秦川無別路
隔崖窮谷却難迷

鴈

楚岸花晴塞柳衰
年年南北去來期
江城日暮見飛處
旅館月明聞過時
萬里風霜休更恨
滿川煙草且須疑
洞庭雲水瀟湘雨
好把寒更一一知

二月二日宴中貽同年封先輩渭

帝堯城裏日銜杯
每倚嵇康到玉顏
桂苑五更聽榜後
蓬山二月看花開
垂名入甲成龍去
列姓如丁作鶴來
同戴大恩何處報
永言交道契陳雷

御試二首

昭宗乾寧二年崔凝考定進士張貽憲等二十五人復命所司覆試內出四題乃曲直不相入賦良弓敵問賦詢於芻

蕘詩品物成熙詩趙觀文陳昇崔賞崔仁寶等四人并盧瞻韋詒封渭章希震張蟪黃滔盧鼎王貞白沈崧陳曉李龜貞等十一人並與及第其張貽憲孫溥李光序李樞李遠等五人且令落下許後再舉其崔礪蘇楷杜承昭鄭稼等四人令再舉內一人盧廣稱疾不至宣

令昇入文云華陰省親其父渥進狀乞落下故就試止二十四人也

已表隋珠各自攜更從瓊殿立丹梯九華燈作三條燭
萬乘君懸四首題靈鳳敢期翻雪羽洞簫應或諷金閨
明朝莫惜場場醉青桂新香有紫泥

六曹三省列簪裾丹詔宣來試士初不是玉皇疑羽客
要教金榜帶天書詞臣假筆題黃絹宮女敲銅奏子虛
御目四篇酬九百敢從燈下畧躊躇

宿李少府園林

一壺濁酒百家詩住此園林守選期深院月涼留客夜
一作古杉風細似泉時嘗頌異茗塵心淨議罷名山竹影

移明日綠苔渾掃後石庭吟坐復容誰

鍾陵故人

滕王閣下昔相逢此地今難訪所從唯愛金籠貯鸚鵡
誰能鐵柱鎖蛟龍荆榛翠是錢神染河嶽期須國士鍾
一筋鱸魚千古美後人終少繼前蹤

故山

支頤默省舊林泉石徑茅堂到目前衰碧鳴蛩莎有露
濃陰歇鹿竹無煙水從井底通滄海山在窗中倚遠天
何事蒼髯不歸去燕昭臺上一年年

塞上

塞門關外日光微，角怨單于鴈駐飛。
衝水路從冰解斷，踰城人到月明歸。
燕山臘雪銷金甲，秦苑秋風脆錦衣。
欲弔昭君倍惆悵，漢家甥舅竟相違。

送翁員外承贊

誰言吾黨命多奇，榮美如君歷數稀。
衣錦還鄉翻是客，迴車謁帝卻為歸。
鳳旋北闕虛丹穴，星復南宮逼紫微。
已分十旬無急詔，天涯相送只沾衣。

翁文堯員外擁冊禮之歸，一路有詩名畫錦集，先將寄示，因書五十六字。

六窠只佩諸侯印，爭比從天擁冊歸。
一軸郢人歌處雪

兩重朱氏著來衣，閩山秀已鍾君盡。
洛水波應濺我稀，明日陪塵迎駟馬。
定淮齋沐看光輝。

下第東歸留辭刑部鄭郎中誠

去違知己住遠親，欲發羸蹄進退頻。
萬里家山歸養志，數年門館受恩身。
鶯聲歷歷秦城曉，柳色依依灞水春。
明日藍田關外路，連天風雨一行人。

關中言懷

事事朝朝委一樽，自知無復解趨奔。
試期交後猶為客，公道開時敢說冤。
窮巷住來經積雨，故山歸去見荒村。
舉頭盡到斷腸處，何必秋風江上猿。

旅懷

未喫金丹看十洲，乃將身世作仇讎。
羈遊數地值兵亂，宿在孤城聞雨秋。
東越雲山卻思隱，西秦霜霰苦頻留。
他人折盡月中桂，惆悵當年江上鷗。

喜侯舍人蜀中新命三首

八都詞客湧喧然，誰解飛揚誥誓間。
五色綵毫裁鳳詔，九重天子豁龍顏。
巴山月在趨朝去，錦水烟生入閣還。
謀及中興多少事，莫愁明月不收關。

却搜文學起吾唐，暫失都城亦未妨。
錦里幸為丹鳳闕，幕賓徵出紫微郎。
來時走馬隨中使，到日援毫定外方。

若以掌言看諫獵，相如從此竝輝光。

賈誼纔承宣室召，左思唯預秘書流。
賦豈連者無過此，翰苑今朝是獨遊。
立被御爐烟氣逼，吟經棧閣雨聲秋。
內人未識江淹筆，竟問當時不早求。

經安州感故鄭郎中二首

雲夢江頭見故城，人間四十載垂名。
馬蹄踐處東風急，雞舌銷時北闕驚。
巖客出來尋古劍，野猿相聚叫孤瑩。
騰身飛上鳳凰閣，惆悵終垂吾黨情。

錦帳先生作牧州，干戈缺後見荒邱。
蕪無姓賈兒童在，空有還珠烟水樓。
江句行人嗙刻石，月腸是處象登樓。

旅魂頻此歸來否千載雲山屬一遊

出京別崔學士

一從門館遍投文旋忝恩知驟出羣不道鶴雞殊羽翼
許依龍虎借風雲命奇未便乘東律言重終期雪北軍
欲逐飄蓬向岐路數宵垂淚戀清芬

寄越從事林嵩侍御

子虛詞賦動君王誰不期君入對颺莫戀兔園留看雪
已乘驄馬合凌霜路歸天上行方別道在人間久便香
應念都城舊吟客十年蹤跡委滄浪

長安書事

一年年課數千言口祝心祠挈出門孤進難時誰肯薦
主司通處不須論頻秋入自邊城雪昨日聽來嶺樹猿
若有水田過十畝早應歸去荻江村

旅懷寄友人

重疊愁腸只自知苦于吞蘂亂于絲一船風雨分襟處
千里烟波回首時故園田園經戰後窮荒歲月逼秋期
鳴蟬似會悠揚意陌上聲聲怨柳衰

放榜日

吾唐取士最堪誇仙榜標名出曙霞白馬嘶風三十轡
朱門秉燭一千家都說聯辭弄天路宣聖飛章奏日華

歲歲人人來不得曲江烟水杏園花

新楚道中

楚堂如雪草如茵光武城邊一水濱
越客歸還春有雨杜鵑啼苦夜無人
東堂歲去啣杯嬾南浦期來落淚頻
莫道還家不惆悵蘓秦羈旅長鄉貧

酬俞鈞

鄉書一忝薦延恩二紀三朝泣省門
雖忝立名經聖鑒敢期興詠疊嘉言
莫論皓月無梯接大底龍津有浪翻
今日朝廷推草澤佇君承詔出雲根

寄同年崔學士

半因同醉杏花園麈尾鴻鑪與鑄顏
已脫素衣酬素髮敢持青桂愛青山
雖知珠樹懸天上終賴銀河接世間
畢使海涯能拔宅三秦二十四畿寰

寄陳侍御

千年二相未全誇猶聞闕城賀降麻
何必錦衣須太守別無蓮幕勝王家
醴泉湧處休論水黃菊開時獨是花
九級燕金滿尊酒却愁隨詔謁承華

酬徐正字黃

已免蹉跎負歲華敢辭霜鬢雪呈花
名從兩榜考昇第官自三台追起家
疋馬有期歸輦轂故山無計戀桑麻

莫言蓬閣從容久披處終知金在沙

客舍秋晚夜懷故山

寥寥深巷客中居况值窮秋百事疎孤枕憶山千里外
破窓聽雨五更初經年荒草侵幽徑幾樹西風鎖弊廬
長繫寸心歸未得起挑殘燭獨躊躇

絳州鄭尚書

旌旗日日展東風雲稼連山雪刃空剖竹已知垂鳳食
摘珠何必到龍宮諫垣虛位期飛步翰苑含毫待紀公
誰謂唐城諸父老今時得見蜀文翁

喜陳先輩嶠及第

今年春已到京華天與吾曹雪怨嗟甲乙中時公道復
朝廷看處主司誇飛驪海浪從燒尾曠却金丹定易牙
不是駕前偏落羽錦城爭得杏園花

延福里居和林寬何紹餘酬寄

長說愁吟送旅中一庭淡雪一牕風眼前道路無心覓
象外烟霞有句通幾度相留侵鼓散頻聞會宿著僧同
高情未以干時廢屬和因知興不窮

贈宿松湯明府

溪上家家禮樂新始知為政異常倫若冰似水清無底
爭得如水凜拂人月狹聲和琴調咽烟村景接柳條春

金五竹言 卷八十五
宦遊無得逍遙趣休憶三吳雋釣津

送僧

纔年七歲便從師猶說辭家學佛遲新斲松蘿還不住
愛尋雲水擬何之孤溪雪滿維舟夜疊嶂猿啼過寺時
鳥道漉湫悉行後豈將翻譯負心期

贈鄭明府

庭羅衙吏眼看山真恐風流是謫仙垂柳五株春姪姘
鳴琴一弄水潺湲援臺斷獄登殊考駐樂題詩得出睽
莫起陶潛折腰歎才高位下始稱賢

江州夜宴獻陳員外

多少歡娛簇眼前潯陽江上夜開筵數枝紅蠟啼香淚
兩面青娥折瑞蓮清管徹時斟玉醕碧籌回處擲金船
因知往歲樓中月占得風流是偶然

湘中贈張逸人

羽衣零落帽歌斜不自孤峰即海沙曾為蜀山成寓跡
又因湘水擬營家鳴琴坐見燕鴻沒曳履吟忘野迳賒
更愛扁舟宿寒夜獨聽風雨過蘆花

寓題

紛紛墨勅除官日處處紅旗打賊時竿底得璜猶未用
夢中吞鳥擬何為損生莫若攀丹桂免俗無過詠紫芝

兩岍蘆花一江水依前且把釣魚絲

斷酒

未老先為百病仍醉杯無計接賓朋免遭批蓋郎君謔
還被簪花錄事憎絲管合時思索馬池塘晴後獨留僧
何因澆得離腸爛南浦東門恨不勝

南海幕和段先輩送韋侍御赴闕

樹色川光入暮秋使車西發不勝愁
鮮連標格鷲分散雪課篇章互唱酬
魏闕別當飛羽翼燕臺徂且占風流
滿園歌管涼宵月此後相思幾上樓

寄南海黃尚書

五羊城下駐行車此事如今八載餘
燕領已知飛食肉龍門猶自退為魚
紅樓入夜笙歌合白社驚秋草木疎
西望清光寄消息萬重烟水一封書

送人往蘓州觀其兄

闔閭城外越江頭兩地烟濤一葉舟
到日荆枝應便茂別時珠淚不須流
迎歡酒醒山當枕詠古詩成月在樓
明日尊前若相問為言今訪赤松遊

遊東林寺

長生猶自重無生言讓仙祠佛寺成
碑折誰忘康樂制山靈表得遠公名
松形入漢藤蘿短僧語離經耳目清

莫怪遲遲不歸去童年已夢遶林行

賀清源僕射新命

雖言嵩嶽秀崔嵬少降連枝命世才南史兩榮唯百揆
東閩雙拜有三台二天在頂家家詠丹鳳銜書歲歲來
虛說古賢龍虎盛誰攀荆樹上金臺

浙幕李端公泛建溪

越城吳國結良姻交發芙蓉幕內賓自顧幽沈視省跡
得陪清顯諫垣臣分題曉並蘭舟遠對坐宵聽月欵頻
文愛延平津上過一雙神劍是龍鱗

貽宋評事

河陽城裏謝城中入曳長裾出佩銅燕國金臺無別客
陶家柳下有清風數蹤篆隸書新得一竈屯蒙火細紅
時說三吳欲歸處綠波洲渚紫蒲藂

寓題

每憶家山即涕零定須歸老舊雲烏銀河水到人間濁
丹桂枝垂月裏馨霜雪不飛無翠竹鯨鯢猶在有青萍
三千九萬平生事却恨南華說北溟

傷蔣校書德山

誰到双溪溪岸傍與招魂魄上蒼蒼世間無樹勝青桂
隴上有花唯白楊秦苑火然新賦在越城山秀故居荒

如何萬古雕龍手獨是相如識漢皇

酬楊學士

神仙簿上愧非夫詔作疑丹兩入爐詩裡幾曾吟芍藥
花中方得見菖蒲陽春唱後應無曲明月圓來別是珠
莫下蓬山不回首東風猶擬重搏扶

寄同年李侍郎龜正

石門南面淚浪浪自此東西失帝鄉崑璞要疑方卓絕
大鵬須息始開張已歸天上趁雙闕忽喜人間捧八行
莫道秋霜不滋物菊花還借後時黃

烏石村

往日江村今物華一迴登覽一悲嗟故人沒後城頭月
新鳥啼來壠上花賣劍錢銷知絕俗聞蟬思苦即詩家
謝公古郡青山在三尺孤墳撲海沙

寄同年盧員外

聽盡鶯鶯聲出雍州秦吳烟月十經秋龍門在地從人上
郎省連天須鶴遊休戀一臺推妙絕已經三字入精求
當年甲乙皆華顯應念槐宮今雪頭

寄同年封舍人渭

唐城接軫赴秦川憂合懽離驟十年龍領摘珠同泳海
鳳啣輝翰別升天八行真跡雖收拾四戶高扃奈隔懸

能使邱門終始雪莫教華髮獨潛然

奉和翁文堯十九負外中謝日蒙恩賜金紫之什

面蒙君賜自龍墀誰是還鄉一襲衣三品易懸鱗鬣赫
八綵展起綵章飛屢為勝事垂千古題作新詩啟七微
嚴助買臣精魄在定因羞著昔年歸

翁文堯員外捧金紫還鄉之命推發篇章將原交
情遠為嘉貺泊燕鴻陸犬楚水荆山又吐瓊瑤逮
之幽鄙雖湧泉思觸逸興皆虛而強韻押難非才
頗媿輒茲酬和以質獎私

搏將盛事更無餘還向橋邊看舊書東越獨推生竹箭
北溟喜足貯鯤魚兩迴誰解歸華表午夜兼能薦子虛
須把頭冠彈盡日憐君不與故人疎

奉和翁文堯員外經過七林書堂見寄之什

朱旗引入昔茅堂半日從容盡日忙駟馬寶車行錫禮
金章紫綬帶天香山從南國添煙翠龍起東溟認夜光
定恐故園留不住竹風松韻慢淒鏘

奉酬翁文堯員外駐南臺見寄之什

人指南臺山與川大驚喜氣異當年花迎金冊非時拆
月對瓊杯此夜圓我愛藏冰從夏結君憐修竹到冬鮮

殷勤更抱鳴琴撫為憶秦兒識斷絃

奉和翁文堯員外文秀光賢畫錦之什

鄉名里號一時新乃覺台恩重萬鈎建水閩山無故事
長卿嚴助是前身清泉引入旁添潤嘉樹移來別帶春
莫凭闌干剩留駐內廷虛位待才臣文秀亭

雖言閩越繫生賢誰是還家寵自天山簡媿兼諸郡命
鄭元慙秉六經權鳥行去沒孤煙樹漁唱還從碧島川
休說遲迴未能去夜來新夢禁中泉光賢閣

君王面賜紫還鄉金紫中推是甲裳華構便將垂美號
故山重更發清光水澄此日蘭宮鏡樹憶當年柏署霜

珍重朱欄魚翠樞來來皆自詩書意

奉酬翁文堯員外神泉之遊見寄嘉什

今雖澁步喜同遊野外嘶風並紫駟松竹泚尋青嶂寺
姓名題向白雲樓泉源出石清消暑僧語離經妙破愁
多奈愛山猶戀闕古來能有幾人休

報吟七言四韻攀寄翁文堯拾遺

唐設高科表用文吾曹誰作諫垣臣甄山秀氣曠千古
鳳闕華恩鍾二人起草便論天上事如君不是世間身
龍頭龍尾前年夢今日須憐應若神
後翰長趙侍御

禹門西面逐飄蓬忽喜仙都得入蹤賈氏許頻趨季虎
荀家因敢謁頭龍手扶日月重輪起數是乾坤正氣鍾
五色筆驅神出沒八花磚接帝從容詩酬御製風騷古
論似人情出鶴濃豈有地能先鳳掖別無山更勝鼇峰
攀鴻日淺魂飛越為鯉年深勢險鳴澤國雨荒三徑草
秦關雪折一枝筇吹成暖景猶葭律引上纖蘿在嶽松
願向明朝薦幽滯免教號泣觸登庸

廊時李相公

秦城擇日發征轅齋戒來投節制尊分虎名高初命相
攀龍迹下愧登門夜聽謳詠銷塵世夕曉拜旌幢戰旅魂

華舍未開寧有礙綵毫雖乏敢無言生兼文武為人傑
出應乾坤靜帝閣計吐六奇誰敢敵學窮三略不須論
功高馬卸黃金甲臺迥賓權白玉樽九穗嘉禾垂綺陌
四時甘雨帶雕軒推恩每覺東溟淺吹律能令北陸暄
青草連沙無血濺黃榆鎖塞有鶯翻笙歌合省春風郭
雞犬連延碧岫邛遊子不緣貪獻賦永依棠樹託蓬根
成名後呈同年

業詩攻賦薦鄉書二紀如鴻歷九衢待得至公搜草澤
如從平陸到蓬壺雖慙錦鯉成穿額忝獲驪龍不寐珠
蒙楚數疑休下泣師劉大喝已為盧人間灰管供紅杏

天上烟花應白榆一字連鑣巡甲族千般唱罰賞皇都
名推顏柳題金塔飲自燕秦索玉姝退媿單寒終預此
敢將恩嶽息斯須

投刑部裴郎中

兩榜牽驅別海沔佗門不合覓知音瞻恩雖隔雲雷賜
向主終知大馬心禮闈後人窺作鏡廟堂前席待為霖
已齊日月懸千古肯誤風塵使陸沉拜首敢將誠吐血
蛻形惟待諾如金愁聞南院看期到恐被東墻舊恨侵
緇化衣空難抵雪黑銷頭盡不勝簪教行淚裏依投志
直比滄溟未是深

輦下寓題

對酒何曾醉尋僧未覺閑無人不惆悵終日見南山
寄題崔校書郊舍

一片寒塘水尋常立鷺鴛主人貧愛客沽酒往吟詩
秋思

碧嶂猿啼夜新秋雨霽天誰人愛明月露坐洞庭船
芳草

澤國多芳草年年長自春應從屈平後更苦不歸人
輦下書事

北關新王業東城入羽書秋風滿林起誰道有鱸魚

入關言懷

背將踪跡向京師
出在先春入後時
落日灞橋飛雪裏
已聞南院有看期

過長江

曾搜景象恐通神
地下還應有主人
若把長江北湘浦
離騷不合自靈均

題靈峰僧院

繫馬松間不忍歸
數巡香茗一枰棋
擬登絕頂留人宿
猶待滄溟月滿時

司馬長卿

自梁園失意回
無人知有揆天才
漢宮不鎖陳皇后
誰肯量金買賦來

歸思

薊北風烟空漢月
湘南雲水半蠻邊
寒為旅雁暖還去
秦越離家可十年

東林寺貫休上人篆隸題詩

師名自越徹秦中
秦越難尋師
所從墨迹兩般詩
一首香鑪峰下似相逢

寓江州李使君

使君曾被蟬聲苦
每見詞文即為愁
况是楚江鴻到後

金五仙詩
卷八十五
可堪西望發孤舟

游南寓題

江山節被雪霜遺
毒草過秋未擬衰
天不當時命那行
亦將寒律入南吹

和同年趙先輩觀文

玉兔輪中方是樹
金鰲頂上別無山
雖然迴首見烟水
事主酬恩難便閒

出京別同年

一枝仙桂已攀援
歸去烟濤浦口村
雖恨別離還有意
槐花黃日出青門

木芙蓉三首

黃鳥啼烟二月朝
若教開即牡丹饒
天嫌青帝恩光盛
留與秋風雪寂寥

卻假青腰女剪成
綠羅囊綻綵霞呈
誰憐不及黃花菊
只遇陶潛便得名

須到露寒方有態
為經霜裏稍無香
移根若在秦宮裏
多少佳人泣曉粧

九日

陽穀重時陰穀殘
露濃風硬欲成寒
莫言黃菊花開晚
獨占樽前一日歡

夏州道中

隴雁南飛河水流秦城千里忍迴頭
征行渾與求名背九月中旬住夏州

經慈州感謝郎中

金聲乃是古詩流况有池塘春草傳
莫遣宣城獨垂號雲山彼此謝公遊

寓題

吳中烟水越中山莫把漁樵謾自寬
歸泛扁舟可容易五湖高士是拋官

寄宗明府

北關秋期南國身重關烟月五溪雲
風蟬已有數聲急賴在陶家柳下聞

靈均

莫問靈均昔日遊江離春盡岸楓秋
至今此事何人雪月照楚山湘水流

和陳先輩陪陸舍人春日遊曲江

劉超遊召郗詵陪為憶池亭舊賞來
紅杏花旁見山色詩成因觸鼓聲回

花

莫道顏色如渥丹莫道馨香過菖蘭
東風吹綻還吹落

明日誰為今日看

卷簾

綠鬟侍女手纖纖
新捧嫦娥出素蟾
衛玠官高難久立
莫辭雙卷水精簾

啟帳

得人憎定繡芙蓉
愛鎖嫦娥出月踪
侍女莫嫌抬素手
撥開珠翠待相逢

去扇

城上風生蠟炬寒
錦帷開處露翔鸞
已知秦女昇仙態
休把圓輕隔牡丹

別後

夢裏相逢無後期
烟中解佩杳何之
麴蟾便是陳宮鏡
莫吐清光照別離

嚴陵釣臺

終向烟霞作野夫
一竿竹不換簪裾
直鉤猶逐熊羆起
獨走先生真釣魚

馬嵬三首

錦江晴碧劍峯奇
合有千年降聖時
天意從來知幸蜀
不關胎禍自蛾眉

鐵馬嘶風一渡河
淚珠零便作驚波
鳴泉亦感上皇意

流下隴頭鳴咽多
龍腦移香鳳輦留可能千古永悠悠夜臺若使香魂在
應作烟花出隴頭

閏八月

無人不愛今年閏月看中秋兩度圓惟恐雨師風伯意
至時還奪上樓天

奉和翁文堯戲寄

掘蘭宮裏數名郎好是乘輅出帝鄉兩度還家還未有
別論光彩向冠裳

奉和文堯對庭前千葉石榴

一朵千英綻曉枝彩霞堪與別為期移根若在芙蓉苑
豈向當年有醒時





